

NEWSLETTER — October 2016

1. Prokres

- Hawkins hemi complitim klosap 22 pesen lo ol wok blo South Paray Wof
- Coral we I bin stap lo wof mo chanel eria oli bin muvum I ko lo west blo Iririki aelan anda lo supavisen blo olgeta lo Vanuatu Fisheries depatment
- Wok istap gohed yet blong karem ol bigfala ston blong usum blong protektem wof blong bae solwota ino digim.
- Ship blo konstraksen blo wof oli bin muvum I ko lo Sea Front blo mekem sam wok lo sea front projek mo bae I muv i ko bak lo South Paray wof lo 28 octoba

2. Prokram

- I bin kat sam jenjes lo program mo arrangemen blo wok folem sam jenis long disaen blong ol wof.
- South Paray wof hemi sud finis lo end blo February 2017
- Ol wok blo putum ol “post” blong wof hemi stat lo 27 blo July 2016
- Wok we istap naoi a I blong finis putum ol “post” blong wof mo simen raonem, mo tu long long sem taem bae oli putum ol bigfala ston or rock armor long saed blong wof. Afta long hemia, bae oli putum ol bigfala simen strakja antap long ol post ia we bae hemi dek blong wof we bae man I save wokbaot long hem.
- Oli stap processsm ol niufala rivaes disaen

3. Traffic Impact

- Lokol komuniti oli shud expectem blong luk wan incris long namba blong ol trak long Saot Paray/ Lapetasi Wo feria. Risen hemi from ol trak we oli karem ol ston ikam blong usum long konstraksen eria.
- Komuniti I mas save se bae I kat sam trak we bae I stap kamaot long gate long banyan tree blong kam long main road.



4. **Tabu Eria**


- Notis iko long ol marina or man we I drivem or usum ol boat araon long wok eria – Blong sefti, ol marina oli mas obsevem ol notis we Depatmen blong Ports mo Haba, oli putum aot, mo tu rispektem ol saen we oli poutum raon long solwota
- Lokol komuniti hemi mas save se Saot Paray wof hemi wan ‘live site’ or active wok saet, mo akses long eria hemi restricted. Man we hemi go tru long sefti training nomo hemi allao blong ko insaed. Any visita I mas kat wan staff we I daarektem hem.
- Bae I kat sam denja istap long work eria, eg, ol trak, diga, kren, wetem ol spesel masin blong mekem wof, we bae oli stap mekem wok ova long wota, mo pablik I no mas kam long work eria ia.

5. **Drejing or digim bottom blong solwota**

- Barj or ship blo drejing (luk foto taon) hemi kam finis long Vila, mo bae wok I stat long 14 Novemba. Wok bae tekem bitwin 30 mo 60 days , or more. Hemi dipen long ol kain korel we bae oli digim sapos hemi strong tumas or no blong masin I save digim aot.
- Wan paep we hemi 200m long bae hemi aot long ship iko kasem long wan pond long shore. Paep ikarem ol korel mo wota we oli digim mo sakem long pond ia.

6. **Ol Impak we yumi save expektem long drejing mo how blong manejem**

- Bae ikat wan ‘plume’ or waet kala wota long erai we hemi I kamaot mo yumi save luk taem drejing I tek ples.
- Waet kala wota ia hemi sofmad or smol sanbij we hemi mix wetem solwota.
- Bae I kat ol ‘silt curtain’ or fanis we bae oli usum raon long eria we oli dregem. Fanis I blong blokem waet wota or sofmad ia blong ino ko long ol nara eria long haba.
- Bae I kat waet wota raonem dreja taem we hemi stap dig long bottom blong solwota.
- Ol impak blong operesen long envaeroment oli manejem folem Wota Quality Management Plan we Dipatmen blong Wota Risos hemi been apruvum.
- Ol laef korel we oli stap lo eria blong wok, oli bin tekem aot mo transplantem long wan nara eria long Saot Paray



The Vanuatu Inter-Island Shipping Support Project (VISSP) is jointly funded by the Asian Development Bank, the New Zealand Government the Vanuatu Government. The project will involve construction and improving domestic wharfs and shipping services around the islands of Vanuatu. For general information regarding the project contact the Vanuatu Project Management Unit on 33240 or email vpmu@vanuatu.gov.vu. For information regarding project implementation, contact the Public Works Department on 22888.